

1.07 TUS PEJTHUAM

Chivkeeb 11

Thaum ub, dej dag nyab ntiajteb, muab tej neeg phem nyab tuag tag rau hauv av. Muaj ib tug neeg hlub Vajtswv npe hu ua Nau-es, Vajtswv kom nws mus ua ib lub nkoj thiaj cawm tau nws thiab nws tsev neeg nrog rau tej tsiaj txhu. Kob dej dag ntawd los tau 40 hnub 40 hmo. Thaum dej nqig tag Nau-es thiab nws tsev neeg thiaj nqig saum lub nkoj los. Nws cov tub nyias tawm mus nyob nyias lawm. Ntau lub xyoo dhau mus, Nau-es muaj xeebleej xeebntxwv coob tuaj. thiab tseem muaj ntau tus menyuam ntxiv. Tau ntau lub xyoo tom qab tibneeg ho rov nyob puv ntiajteb.

Thaum ntawd, txhua tus neeg nyob hauv lub ntiajteb no puavleej hais ib yam lus. Tagnrho tej neeg ntawd puavleej yog Nau-es cov xeebntxwv thiab Nau-es peb tus tub uas yog Yafej, Xeeb thiab Ham. Yog tiag ces lawv yuav tsum tawm mus ua nyiag neej rau ib qhov raws li vajtswv tau npaj tseg tiamsis lawv ho xav nyob ua ib ke thiab thiaj nrau tau ib lub tswvyim.

Lawv sib tham “Peb cia li ua ib tug pejthuum siab siab kom ti nkaus tej txheej ntuj saum ub. Peb thiaj li muaj suab nto npe. Peb tsis xav sib cais tawm mus nyiag nyob nyias li Vajtswv ntshaw. Peb yuav nyob ua ke li no mus li. Peb xaiv li ntawd thiab peb yuav tsis sib cais ib zaug li.”

Vajtswv thiaj nqig los saib lawv puab tus pejthuum ntawd. Vajtswv pom tus pejthuum ntawd lawv tabtom puab tau siab heev kom mus nto ntuj. Vajtswv thiaj xav hais tias “Yog cia lawv hais ib yam lus nkaus xwb. Lawv yuav ua tau yam uas lawv ntshaw rau qhov lawv sib totaub. Lawv nyuam qhuav pib xwb. Lawv twb tsis ua raws li Kuv hais kom lawv mus nyob puv ntiajteb rau qhov Kuv xav kom lawv ua li ntawd. Zaum no tsis muaj ib yam uas lawv ua tsis tau li lawm. Lawv yuav tsis mloog Kuv lus ntxiv lawm.”

Vajtswv twb muaj ib txojkev npaj lawm, txojkev npaj ntawd yuav muaj yeej xwb. Tibneeg xav hais tias lawv yuav ua tau txhua yam raws li lawv ntshaw. Lawv xav hais tias lawv yuav ua lub nroog ntawd thiab ua neej nyob rau qhov twg los tau raws li lawv xav. Tiamsis Vajtswv yog tus muaj hwchim. Vajtswv yeej yuav pauv neeg txojkev npaj kom hloov mus.

Vajtswv hais tias “Mus, cia li mus ua kom lawv tej lus sib txawv thiab nyias hais nyias ib yam lus ib leeg tsis totaub ib leeg”. Thaum lawv hais lus tsis sib totaub ces lawv yuav ua tsis tau lub nroog thiab tus pejthuum ntawv ntxiv lawm”.

Txawm muaj li ntawd tiag. Tus pejthuum hauv lub nroog ntawd lawv muab hu tias “Npa-npees” txhais tias ua kom “ntxhov”. Tej neeg cia li tso tseg ua tsis tau lub nroog thiab tus pejthuum ntawd lawm rau qhov lawv tsis sib totaub. Nyias hais nyias ib yam lus sib txawv lawm. Vajtswv thiaj ua rau lawv taws nyias mus nyob nyias puv lub ntiajteb no. Nyias hais nyias yam lus rau lub tebchaws uas nyias nyob. Ntawd thiaj yog nyob raws li Vajtswv txojkev npaj cia.

1.07 TUS PEJTHUAM – RAU TUS QHIA

Chivkeeb 11

Tej tseem ntsiab lus:

- 1) Vajtswv tso dej dag los nyab lub ntiajteb tej neeg phem tuag tag. Vajtswv hais rau ib tug txivneej uas paub fwm paub ntshai Vajtswv npe hu ua Nau-es, kom ua ib lub nkoj los cawm nws thiab nws cov niam tub. Tom qab uas dej dag nqig tag, Nau-es cov tub nyias muaj nyias vaj nyias tsev nyob. Ntau lub xyoo tom qab, tej tibneeg ho rov qab huamvam coob ntxiv hauv lub ntiajteb no.
- 2) Txhua tus puavleej hais ib yam lus. Tej neeg tuaj ua ke ntaus tswv yim ua ib lub nroog. Thiab puab ib tug pejthuum siab heev.
- 3) Vajtswv pom tej uas lawv ua. Vajtswv pom tibneeg yim hnuv yim tsis mloog Vajtswv lus. Vajtswv xav cia lawv mus nyob thoob plawg lub ntiajteb.
- 4) Vajtswv thiaj ua rau lawv nyias hais nyias ib yam lus. Thaum lawv paub hais tias yus hais lwm tus tsis totaub ces lawv muab tus pejthuum thiab lub nroog ntawd tso tseg tsis ua ntxiv lawm.
- 5) Vajtswv ua rau lawv taws nyias mus nyob nyias qhov txhia qhov chaw hauv lub ntiajteb no. Ib cheebtsam hais lawm ib yam lus. Ntawd yog qhov uas Vajtswv npaj tseg.

LUS NUG:

- 1) Tagnrho tej neeg no los qhov twg los?
- 2) Lawv npaj yuav ua dabtsi?
- 3) Vajtswv npaj yuav ua li cas rau lawv?
- 4) Vajtswv ua li cas kom txojkev uas Vajtswv npaj thiaj tiav?
- 5) Zaj xwm dabtsi tshwmsim los rau tagnrho txhua tus?

LUS TEB:

- 1) Tagnrho tej neeg no yog los ntawm Nau-es thiab nws cov tub los.
- 2) Lawv xav ua ib lub nroog thiab tus pejthuum.
- 3) Vajtswv xav kom lawv mus nyob thoob plawg txhua qhov hauv lub ntiajteb.
- 4) Vajtswv ua rau lawv nyias hais nyias lawm ib yuam lus ua rau lawv tsis sib totaub.
- 5) Tej neeg taws mus nyob thoob plawg lub ntiajteb.

Vim tibneeg tsis mloog Vajtswv lus vim lis ntawd Vajtswv thiaj cia kom tibneeg tawg mus puv tebchaws. Thaum peb paub hais tias peb tsis mloog Vajtswv lus. Peb yuav tsum thov kev zam txim los ntawm Tswv Yexus.